



5. januar 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Nunanut Allanut Naalakkersuisup oqaasii pillugit:

1. Suna pissutaava Naalakkersuisut Politikenimut Nunatsiaq Newsimullu piumasaqarsimanginnerannut ilumuunnginneraaqqullugit, paasineqarmat Nunanut Allanut Naalakkersuisoq issuarnerlunneqarsimasoq?

2. Naalakkersuisut uppersarsinnaanerlugu ilumut Nunanut Allanut Naalakkersuisoq issuarnerlunneqarsimasoq immiussat assigisaaluunniit aqqutigalugit? Imaluunniit Nunatsiaq News aamma Politiken attavigilersaarneqarpat paasiumallugu immiussanik peqarnersut uppersaataasinnaasunik ilumut Nunanut Allanut Naalakkersuisoq issuarnerlunneqarsimasoq?

3. Naalakkersuisut pilersaaruteqarnerlutik danskit naalagaaffiannut saaffiginninniarlutik tamakkiisumik uppersartikkumallugu imaluunniit ilumuunnginnerartinniarlugu Danmark NATO-mit ilanngaaffigineqartartoq USA-p Pituffimmi sakkutooqarfeqarnera pissutaalluni (Thule Air Base). Akissut tunngavilersugaq perusuppara.

4. Naalakkersuisut danskit naalagaaffiannut saaffiginnilersaarnerlutik paasiumallugu danskit naalagaaffiata USA-p Pituffimmiinna (Thule Air Base) toqqaannartumik aningaasannassutigisarneraa. Akissut tunngavilersugaq perusunneqarpoq.

(Inatsisartunut ilaasortat Justus Hansen aamma Randi Vestergaard Evaldsen, Demokraatit)

Tunngavilersuut:

Nunanut Allanut Naalakkersuisoq oqallitsitsigaatsiarpoq Naalagaaffeqatigiinni Politikinimut Nunatsiaq Newsimullu uissuumminartunik oqarnermi kingorna. Demokraatini oqaaseqaatit taakku tunngavigalugit § 37 naapertorlugu arlalinnik apeqquteqaateqarpugut Naalakkersuisut akisaannik ulloq 22/12-2016.

Akissutilli allatut ajornartumik malitseqartinneqartariaqarput. Demokraatini uissuummissutigaarput Naalakkersuisut tusagasaqartitsiviit piumaffigisimangimmatigit ilumuunnginneraanissaannut Nunanummi Naalakkersuisut misigisimammat issuarnerlunneqarsimalluni. Aamma pissutaavoq minnerunngitsumik Naalakkersuisut tusagassiutinut nalunaarusiukulasuunnerat, tusagassiorfiit piumaffigalugit oqaaseqaatit kukkusut iluarsissagaat.

Assersuutigalugu Naalakkersuisut ulloq 21/12-2016 tusagassiutinut nalunaarusiorput qulequtserlugu " 2017-mut saarullittassiissutit aalajangerneqanngillat" tassani erseqqissaassutigerusunneqarpoq Aalisarnermut, Piniarnermut Nunalerinermullu Naalakkersuisup issuarnerlunneqarsimanera.

Tamatuma saniatigit Demokraatini uissuummissutigaarput Naalakkersuisut pisariaqarsorisimangimmassuk oqallinneq aqqutigalugu erseqqissaasoqarnissaa ilumut Danmark NATO-mi



DEMOKRAATIT
DEMOKRATERNE

ilaasortaanerminut ilannganneqartarnersoq toqqaannartumik USA-p Pituffimmiinnera pissutigalugu (Thule Air Base).

Apeqqutit akeqquneqarput ullut suliffiit nalinnaasut qulit iluanni.